

/մաքսային կանոնների խախտման վերաբերյալ

վարույթ սկսելը մերժելու մասին/

«15» դեկտեմբերի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Ամերիկայի Միացյալ Նահանգների քաղաքացի Էնրիկե Ֆերնանդեզվագրուեզի (անձնագիր՝ 464420120) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Ամերիկայի Միացյալ Նահանգների քաղաքացի Էնրիկե Ֆերնանդեզվագրուեզի կողմից 04.11.2019 թվականին Մեդրիի մաքսային կետ-բաժնով թիվ 05100041/041119/0000551052 մաքսային մուտքի օրդերով ՀՀ ներմուծված BMW - 12G մակնիշի, հենասարքի համարը՝ EFD0BFF8, 2007 թվականի արտադրության, WB10317A87ZR41839 նույնականացման համարով, 85RT67 պետհամարանիշով տրանսպորտային միջոցը: Ժամանակավոր ներմուծման վերջնաժամկետ է սահմանվել 03.11.2020 թվականը, սակայն ժամկետի ավարտից հետո վերոնշյալ մաքսային մուտքի օրդերը «ՀՀ Արտաքին ազգային մեկ պատուհան» ծրագրում չի գտնվում «Փակված» կարգավիճակում, իսկ ՀՀ ՊԵԿ ՄԴՊՎ պետի 29.11.2023 թվականի թիվ Ն/15-8/228626-2023 գրությանը կից ներկայացված ցանկի համաձայն վերոնշյալ տրանսպորտային միջոցը 04.11.2019 թվականին ժամը 17:36-ին մուտք է գործել ՀՀ և չի վերաարտահանվել:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և

պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն օրենքի 309-րդ հոդվածի 1-ին մասի համաձայն՝ «Ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված **մաքսային վճարների** (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) **մեծության տասը տոկոսի չափով, բայց ոչ պակաս, քան երեսուն հազար դրամի չափով**»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

«Վարչական իրավախախտումների վերաբերյալ» ՀՀ օրենսգրքի 37-րդ հոդվածի 3-րդ պարբերության համաձայն՝ «Մաքսային կանոնների խախտման վերաբերյալ գործերով վարչական տույժը կարող է նշանակվել **իրավախախտումը հայտնաբերվելու օրվանից երկու ամսվա ընթացքում, սակայն ոչ ուշ, քան իրավախախտումը կատարվելու օրվանից 3 տարվա ընթացքում**»:

Նույն օրենսգրքի 247-րդ հոդվածի 7-րդ մաս համաձայն՝ «Վարչական իրավախախտման վերաբերյալ գործի **վարույթը չի կարող սկսվել**, իսկ սկսվածը ենթակա է կարճման **վարչական իրավախախտման վերաբերյալ գործի քննության պահին սույն օրենսգրքի 37-րդ հոդվածով նախատեսված ժամկետներն անցնելու դեպքում**»:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորությունը Ամերիկայի միացյալ Նահանգների քաղաքացի Էնրիկե Ֆերնանդեզվազքուեզի կողմից չի կատարվել, սակայն անցել են «Վարչական իրավախախտումների վերաբերյալ» ՀՀ օրենսգրքի 37-րդ հոդվածի 3-րդ պարբերությունում նշված ժամկետները, հետևաբար հնարավոր չէ քաղաքացուն վարչական պատասխանատվության ենթարկել:


Հիմք ընդունելով վերոգրյալը և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 7-րդ մասով՝

Ո Ր Ո Շ Ե Ց Ի

1. Ամերիկայի միացյալ Նահանգների քաղաքացի Էնրիկե Ֆերնանդեզվազքուեզի նկատմամբ մաքսային կանոնների խախտման վերաբերյալ գործի վարույթ սկսելը մերժել:
2. Որոշման մասին հայտնել քաղաքացի Էնրիկե Ֆերնանդեզվազքուեզին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ